



UKA 2016/23
23. sep. 2016
Kalistat Lund

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata allanngortinneqarneranik Inatsisartut inatsisaat nr. xx, xx xx 2016-imeersoq. (Aatsitassarsiornermi aningaasaateqarfiup isertitaasa tunngavii)
(Aningaasaqarnermut Aatsitassanullu Naalakkersuisoq)

Matumani pineqartoq, Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaat, naleqqussarneqartariaqassasoq sivitsulersumik ilisimaneqareerpoq. Tassalu 2010-mi 2011—milu Cairn Energy-p uuliaqarsinnaanneranik misissuisimanageranut atasumik, pigisanik nalituunik nunatta pissarsiaqarsimanagerani, inatsit atuuttoq sanngiiffeqartoq uppersineqareersimammat siunertarineqanngitsumik Aatsitassarsiornermi aningaasaateqarfiup aallaraterarsinnaannera pisinnaalingajassimagaluarmat.

Inatsisartut inatsisaat, Aatsitassarsiornermi Aningaasaateqarfiup toqqammavigisaa taamanikkut suliarineqarmat inatsisiliortut isumagisimangimmassuk taama kinguneqartussamik atorineqarsinnaanissaa, nalimassarniarlugu ukiuni arlaqalersuni uteqqajattumik sammineqartarsimavoq Inatsisartunullu qinersisarsimanagerit patsisigalugit unitsiinarneqartarsimasunik.

Aatsitassarsiornermi aningaasaateqarfiup qajannaatsumik tunngavilerlugu aaqinneqarsimanissaa pisussaaffiuvoq pingaarutilik tunngavilersuutillu aallaaviusussat siunertarineqartumut naapertuutuusariaqarlutik. Aatsitassat ataasiarlutik piiarneqareerunik nunguttussat aningaasaateqarfiup aallaavigimmagit, uninngasuutigineqalersussat paarilluarneqarnissaat inatsisitigut qularnaarluarneqartariaqarpoq.

Nuannaarutigaarput UKA 2015-mi Inatsisartut Naalakkersuisununut suliassiissutaat maannakkut inaarutaasussamik suliarineqarluni aallartimmat.

Una suliaq 2013-miit maannamut arlaleriarlugu tunngavilersuuteqarfigisarsimagatsigu, suliassiissutigineqartorlu naammaginarlumik Naalakkersuisuniit suliarineqarsimasutut isigigatsigu akuersaarparput ataatsimiitsitaliakkoqqaarani taama imaqarluni aappassaaneerneqarnissaminut ingerlatinneqarnissaa siunnersuutigalugu.